



THE LAGO SCHOLARSHIP FOUNDATION

Announces

that applications for scholarships for the school-year 1967-1968 are available from March 15, 1967.

All applications must be returned by Friday, April 21, 1967.

Eligible for scholarship consideration are staff & regular employees; children of staff & regular employees, retirees or annuitants; or anyone born in the Netherlands Antilles of Antillean parents having received the majority of their education in Aruba.

Applicants must possess at least a MULO-B, UTS, HBS-A or B diploma.

Application forms and further information can be obtained by phoning Mr. R. Nicolaas, on phone 9-2527

Waarschuwing

In verband met het verstrijken van de termijn voor de indiening van de

Personeelsopgave Ziekteverzekering 1966

worden de werkgevers die deze formulieren nog niet hebben ingevuld en ingeleverd, aangemaand om dit alsnog binnen één week te doen.

De Sociale Verzekeringsbank
V.C. Vinck, Directeur.
Curacao, 15 maart 1967.



JACK PA AUTO CU TA TRAHA RIBA BATERIA

Limura Electric Co., Ltd. a crea un ELECTRO JACK (pa bumper y body) cu ta hiza un auto cu su mes forza, ora bo primi un boton.

Trahando cu un motor di 40-Ampere 12 Volt D.C., e Jack Electro chikito aki por hiza un auto cu ta pisa no mas cu 4,800 lbs. den 15 seconde y bahé bek den 10 seconde.

E forza ta ser hanja for di e lighter den e dashboard di e auto, pa medio di un plug especialmente trahá pa e proposito aki.

E Electro Jack aki ta parce un Jack di man ordinario. Facilmente su parti abou y lifter por worde desarmá y wardá.

DE VEER THEATER - aire acondicionado

ta presenta awenochi 15 Maart

"ISLAND IN THE SUN"

cu James Mason & Joan Fontaine
f. 1,50 18 aña.

FORMULARIO PA PIDI BECA DI LAGO TA OBTENIBEL 15 MAART

SAN NICOLAS - Formulario pa pidi un beca cerca Lago Scholarship Foundation ta obtenibel for di 15 di maart proximo. Nan por worde pidi cerca sr. R.A. Nicolaas, telefon 9-2527, of interesadonan por acudi na oficina di sr. Nicolaas, kamber 179 den oficina principal di Lago. Formulario jena pa anja escolar 1967/68 mester ta recibi bek no mas tarda cu 21 di april.

E condicion cu a ser poni e anja aki pa bin na consideracion pa un beurs di Lago ta, cu esnan cu ta pidi beurs mester tin den nan posesion a lo menos diploma di Mulo-B, UTS, HBS-A, of HBS-B. Ademas nan mester satisfice un di e cuatro condicionnan menciona aki bao:

1) Empleado permanente staff of regular di Lago;

2) Yiu legalmente reconocikende ta worde manteni door di un empleado permanente staff of regular di Lago;

3) Yiu legalmente reconocikende tabata worde manteni door di un empleado staff of regular cu a muri, of cu a bai cu pensioen, of cu a retira for di servicio di Lago;

4) Un hende cu no ta empleado, pero cu a nace den Antillas Hulandes, y cu a ricibi mayoria di su educacion escolar na Aruba; Bao di circunstancianan especial un persona cu no ta satisfice un di e condicionnan menciona aki riba, por pidi pa e ser considera pa un beurs di Lago.

Cada fomulario completamente jena mester binl acompaña di e siguiente documentonan:

1) Papel di cobranza di Inkostenbelasting pa e anja anterior si esun cu ta pidi beurs ta traha. Si e no ta traha anto e mester produci copia di papel di cobranza di Inkostenbelasting di su mayornan pa e mes periodo. E copia ey e por hanja na oficina di inspector adj. di belasting.

2) Rapport di Pascu di Nace-

mentu y Pascu di Resurreccion pa anja 1966/67, si esun cu ta pidi beurs ainda ta bai school; o rapport final di e school cu el bishita ultimamente.

3) Un portret cu no ta mas bieu cu un anja. Promer cu decisio final por worde tuma riba e peticion, esun cu ta pidi beurs mester entrega su rapport final, tambe un carta cu ta proba cu el worde acepta pa e school caminda e kier bai studia. E school e mester ta un institucion reconocida.

Den seleccion di esnan cu por hanja un beurs e comision lo considera solamente peticion di esnan cu:

Ta conoci como estudiante hobon;

Ta worde recomenda door di un school;

Duna bon resultado durante prueba cu e comision di Lago Scholarship Foundation imponi riba nan.

Ademas e estudio cu esnan cu ta pidi beurs kier sigi lo worde considera den coneccion cu su aplicacion na desaroyo y prosperidad di comunidad di Aruba. Ningun beca lo worde duna si posibilidadnan di estudio cu ya existi den Antillas Hulandes.

SCHWEPPE'S



Embotellador pa Antillas Neerlandes:

VICTORIA BOTTLING CO. ARUBA.

E botternan di SCHWEPPE'S tin e mesun valor di placa cu tur otro botternan di limonada.

MANDARIN Restaurant & Bar

located in one of Aruba's oldest colonial homes

Chinese

& International

DISHES

well stocked Bar.

Courteous Service - Cozy Atmosphere
Wilhelminastraat 8 - Tel. 1008

We're open from 11.00 a.m. till 12.00 p.m.

Gland Discovery Restores Youth In 24 Hours

Sufferers from loss of vigour, nervousness, weak body, impure blood, falling memory, and who are old and worn-out before their time will be delighted to learn of a new gland discovery by an American doctor.

This new discovery makes it possible to quickly and easily restore vigour to your glands and body, to build rich, pure blood, to strengthen your mind and memory and feel like a new man in only 8 days. In fact, this discovery which is a home medicine in pleasant, easy-to-take tablet form, does away with gland operations and begins to build new vigour and energy in 14 hours, yet it is absolutely harmless and natural in action.

The success of this amazing discovery, called VI-TABS, has been so great that it is now being distributed by all chemists here under a guarantee of complete satisfaction or money back. In other words, VI-TABS must make you feel full of vigour and energy and from 10 to 20 years younger, or you merely return the empty package and get your money back.

VI-TABS costs little, and the guarantee protects you.

Vi-Tabs
Restores Manhood and Vitality

DOES ASTHMA Make You Short of Breath?

At the first sign of wheezing, difficult breathing or coughing from recurring Bronchial Asthma or Bronchitis, start taking fortified, quick acting MENDACO. It works fast to combat allergy, relax bronchial tubes, thin and help remove thick, choking phlegm. This usually eases breathing fast, allays coughing, thus promotes sounder sleep. Get MENDACO at druggists. Let it help you.

CRUZ ROJA.

ORANJESTAD - Diasabra awor 18 di maart, Cruz Roja di Aruba lo organiza encuentronan di landamento.

Lo worde organiza encuentronan di landamento rapido di 100 meter pa cabayeros y encuentronan di landamento di estilo pa damas y cabayeros. E edad minimo cu un persona mester tin pa participa den e encuentro mester ta diezseis anja.

E encuentronan lo principia diasabra awor pa dos'or di atardi na e cura pa noord di Aruba Caribbean Hotel.

Inscripcion por worde haci riba e mesun atardi na beach.

BOGOTA --UPI-- Monsenor German Guzman, co-autor di ecologianan Eduardo Umana Lu y Orlando Fals, quendenan a scribi un boekie riba violencia den Colombia, cual a causa profundo impresion dos anja pa a ser detené segun fuentes extra oficial. Segun e fuentes aki, e poder ta sindicá di conceccion izquierdista, pero noticia no a ser confirmá autoridadnan. Monsenor Guzman di kende ta ser bisa cu e inclinacionnan izquierdista recientemente a haci declaraciones na Berlin Oriental na un congreso cubano.

Den esakinan e ta expresá e ta apoyá actividadnan di guerrilleronan Castro-Comandante cu ta trahando na Colombia. Anteriormente Guzman taba profesor na e school Superior administracion publico di Bogotá y catedratico di e program Interamericana di ciencia social na Mexico.

MOSCU--UPI--Union Sovietico awe a lanza den cosmico espacial su di 5 satelite den curso di dos siman.

E agencia oficial di noticianan Tass a anuncia cu satelite Nr. 147 di e serie Cosmos a lansá den órbita, na un angulo di 65 grado cu di globo.

Proposicionan di "investigacionnan científico" Y awe tambe nan a duna indicacion cu e misiun di e ultimo lansamento ta especialmente significativa. E pertonan di occidente ta calcula cu e lansamentunan di e serie Cosmos, tin como obheto hancaminda pa disparonan di nanan cu tripulacion, tantu cu pa hanja datonan importante ba e superficie di tera, reconstruccion di orden militar, investigacionnan meteorologico y departamentunan científico.

WASHINGTON--UPI--Primer Dama, Claudia Alta Johnson, ta invita di honor durante promer exhibicion di un pelicula documental di 24 minuut, color, riba e programa di rehabilitacion "Headstart" den cual e personah principal ta un muchacho homber di Estados Unidos di origen Mexicano, "Panchito Mansera, di San Luis Obispo (California).

BUCHI ROBES

pa cortesia di **N.V. FATUM** Verzekeringsmij.
Tel. 1845 - 1283 pa tur sorto di seguro



cancenan inimaginabel. Ela destaca cu e raisnan di subversion hamas a muri completamente, y cu Colombia ta biba den "trankilidad parecido", ya ta hopi anja caba, den cual tempo e bandanan guerrillero a lanta debi na e continuo luchanan cu nan a sufri na man di Forzanan Arma. Ela revelá cu e versionnan tabata confirma e unificacion di e gruponan di guerrilleronan cu ta actua den departamentonan di Huila y Tolima cu esunnan den departamentu di Santander. E promernan ta sigui e linea di Moscu, mientras e segundonan (perteneciendo na e denominá "Ehercito di Liberacion Nacional") ta inclina na Tesis china.

COMPETITIE DI SOFTBALL FEMENINO DEN LAGO SPORTPARK

SAN NICOLAS - Lago Sport Park a organisa un competitie di softball femenino, cual competitie ya a pasa un round. E posicion di e equiponan, despues di e prome round aki, ta manera ta sigui.

Tres equipo ta empata cu igual cantidad di wega gana y perdi. Nan ta Zenith, Hillman Vets y Dakota Nesbitt cada uno cu dos wega gana y un perdi. Red Stars ta ainda no a sinti e sabor di victoria den e competitie aki.

Den pitcheo S. Martinez di Zenith tin dos y cero. M. Jacobina

di Dakota tin dos y cero. Y I. Zaandam di Hillman Vets cu uno y cero y W. Fransisca di Hillman Vets cu uno y uno.

Den bateo: M. Romney di Zenith ta lider cu 583. J. Hazel di Zenith cu 466. M. Josefa di Zenith cu 416. S. Martinez di Zenith cu 384. J. Commenencia di Dakota Nesbitt 375.

J. Heinz di Zenith cu 371. A. Schotborg di Dakota Nesbitt 363. V. Farrel di Dakota 363. N. Nicolas di Dakota y J. Didler di Zenith empata cu un record di 270..

E competitie aki ta continua

diadomingo awor cu e dos prome partidonan di e segundo round, ora cu pa dies^o or y cuarto Red Stars a enfrenta Hillman Vets y pa dos^o or y cuarto Nesbitt ta subtereno contra Zenith. E competitie aki ta bai tres round. Manera nos ta mira posicionnan te cu awor, lo bai resulta hopi dificil pa pronostica algu. Pa Hillman Vets mantene nan titulo como e mejornan di Aruba, como campeon di softball femenino 1966 y 1967, nan lo mester bai hunga hopi softball pa stop e recio bateadornan di Zenith. E dos mejor bateadornan di e competitie te cu awor tur dos ta di Zenith y controlando e average bon, nos lo por bisa cu cada biaha cu e dos bateadornan aki presenta na plato, Zenith tin sigur riba por lo menos un hit.

Mester un mucha homber pa parti courant. E mester tin bicicleta. Jama tel. 1116/2116.

Bogota --UPI-- Den un exposicion, transmiti pa radio y television, presidente di e pais a pidi apoyo di tur ciudadanonan a fin cu e ehercito por sali dilanti den su proposito di restablece trankilidad y garantisa bida di e colombianonan, cual awor ta ser amenaza den distinto regionan pa gruponan di extremista.

Lleras a muestra cudetencion di lidernan comunista, realisa den e ultimo dianan, tabata sosode como cu gobierno a hanja informacionnan cu nan tabata planea un accion subversiva di al-

MIAMI--UPI--E promer minister di Cuba, Fidel Castro a bisa ayera nochi cu e asesinato di Julio Iribarren Borges, rumandi e canceller Venezolano, a ser mata sin consentimiento di partido comunista di Cuba.

Castro a papia na television den e capital di Cuba pa denuncia na tono rabia, loke ela calificá di "Direccion di banda drechi" di partida Comunista venezolano, cual tin intencion di atacá e partido comunista di Cuba. Iribarren Borges a ser mata pa terroristanan.

Castro a insinuá cu su palabranan cu e asesinato a causa un kiebra den e comunistanan di Cuba y esunnan di Venezuela.

E promer minister a papia den e Universidad di Habana, celebrando e di dies aniversario di e ataque estudiantil riba palacio presidencial na 1957.

Dos caso di ladronicia

ORANJESTAD - Dialuna polisnan a hanja dos keho di ladronicia cualnan a tuma lugar na San Nicolas y Oranjestad respectivamente. For di un lugar caminda nan ta warda material na Eagle, desconocidonan a bai cu un bateria y un piedra di mula harmant. Na San Nicolas e ladronnan a bai mas aleu. Nan a drenta den un cas, di cual su porta no tabata bon sera, y nan a bai cu un suma di cincuenta florin. E casonan aki ta bao di investigacion di polis.

DESGRACIA RIBA TERENO DI LAGO

SAN NICOLAS - Dialuna atardi a ocuri un accidente riba tereno di Lago, durante cual un trahador di e firma Neme a resulta cu un pia fractura. E trahador aki tabata dunando un man na e desmontamento di un aparato pa mescla, y ela cai for di un altura di seis meter y a fractura un pia. Cu ambulans ela worde transporta pa San Pedro Hospital.

BOGOTA--UPI--E minister di Gobierno, Ismael Pastrana a declara ayera nochi, cu te ainda no a cuminsa ningun aclaracion den e situacion di e 100 personanan cu a ser detene siman pasá, pa supuesto coneccion cu actividadnan subversiva.

Pastrana, kende a papia despues di un reunion di Consejo Nacional di Defensa cu Presidente Carlos Deras, a ninga cu e clerigo German Guzman, kende publicamente a defende cierto actividadnan guerrillero, a ser detene.

T.C.A. TA ORGANISA CONTEST DI MISS UNIVERSE NA ARUBA

ORANJESTAD - Pa parti di e compania di aviacion Trans Caribbean Airways, nos a ricibi un comunicado tocante e actividadnan di Miss Universe 1966, srta. Margaretha Arvidsson.

Durante un rueda di prensa cu a ser teni recientemente na e "Flying Island Jet Club" nobo di Trans Caribbean, Miss Universe a anuncia cu otro anja e contest di Miss Universe na Puerto Rico, Republica Dominicana, Islas Virgines, Aruba, Bonaire y Corsow lo worde patrosina pa Trans Caribbean Airways. Srta. Arvidsson ta bishita Puerto Rico actualmentente.

El a yega diabierna mainta den compania di sr. Harold Glasser, presidente di Miss Universe Incorporated, y Jay Mann, kende ta e persona encarga pa publica e actividadnan di Miss Universe.

Durante su bishita di cuatro dia na Puerto Rico, Miss Universe a graba un entrevista riba tape pa e show di Luis Vigoreaux na Wapa-tv, atende un dñer como huesped di hotel "El San Juan" den cual hotel e ta hospeda, asisti na e apertura di e show di Robert Goulet na e club Tropicoro, y participa den un programa especial di mei hora na canal 18, titula "Puerto Rico ta saludá Miss Universe". Tambe lo e ta huesped di Hotel Americana pa e ultimo anochi di show di Jack Car-

ter na "La Copa" y despues di esaki lo e viaha pa pone como huesped di Hotel Intercontinental di Ponce y e destileria "Don 1". Durante su estadia na Ponce, lo e worde ofrece un jabl pa drenta e ciudad.

FUTURO PLANNAN DI A.L.M.

ORANJESTAD - Diarazon 29 di maart proximo, directiva di "Antilliaanse Luchtvaart Maatschappij" ta tene un dñer pa invitadonan na Coral Strand Hotel. Durante e dñer aki, cual ta cuminsa pa shet^o or di anochi, directiva di ALM lo duna un relato di e plannan cu nan tin pa futuro di e compania. Ta di spera cu eplannan aki lo ta favorable pa Aruba.

PAS ONTVANGEN

Nieuwe collectie

TWEKA BADPAKKEN

PALAIS ORIENTAL

Oranjestad - San Nicolas

WATCH FOR THE MAN WITH A THOUSAND FACES

? PEPE MILLER ?



Riba e foto aki nos ta mira Mon Rivera durante di su actuacion diadomingo pará den Bonaire Club na San Nicolaas.

PELEA NA SANTA CRUZ

SANTA CRUZ - Dos ruman muher a drenta un pleitamentu cu otro na Santa Cruz, y observando cu palabra no tabata basta pa pone un ruman respecta otro, nan a dicidi di liga e asunto cu un pelea. Durante di e pelea aki un di e rumanan a arma su mes cu un glas di bebe awa y ela manda su adversario cunete, cu e consecuencia cu e ultimo aki a bai resulta den hospital pa tuma algun ganchu na su wowo caminda ela worde herida. E tirado di glas a hanja un procesverbal.

TRAFICO

ORANJESTAD - Pa cuat^o or y binticinco dialuna atardi, un chauffeur no a duna preferencia na un otro cu e consecuencia cu e dos vehiculonan cu nan tabata maneha aki a dal den otro. E accidente aki a ocuri na e crusada di Patiastraat y Karawarastraat. E danjo material ta Fls. 500. Polisnan di trafico ademas ta informa di cuatro accidente chiquito cu a monta na un total di 435 florin di danjo material. Tambe polisnan a duna 14 hende procesverbal y cinco biaha nan mester a duna asistencia.

PAGINA DEPORTIVA

PRESENTA

PA:



Aruba a gana titulo senior y Corsow junior den judo

WILLEMSTAD- E equipo di Judo Arubano, San Nicolas Amateur Judo Club, diadomingo mainta a conquista e titulo antillano, den categoria senior, mientras cu e equipo junior di Super Amateur Judo Club di Corsow, a podera di e titulo di e categoria aki.

E prome palabranan di e ceremonia inaugural a bini di boca di Sr. Bisliip di Aruba, quende ta presidente di NA-JU-FE (Nederlands Antilliaans Judo Federatie), quende a yama tur e participantenan bonbini y a desea cu encuentronan io tabata deportivo, tai como a sosode. Seguidamente el a introduci e judoka (instructor) hapones isashi Kato (quinto dan), cu a actua como



Ramon Sharpe ta ricibi e copa campeon di Antillas, senior.

referee di e peleanan y ademas a duna un bunita demostracion contra seis judoka antillano.

E siguiente paso tabata introduccion di e judokanan arubano y curazolenjo, tantu senior como junior y di Aruba nos a conoce e siguiente personanan riba cancha di pelea: JUNIOR: Marcel Jurien, Robert Luydens, Willem Rebel, Arija Spit, Wauter Overste, Steven Hijmans y Hugo van. Senior: E equipo senior di Aruba a presenta cu solamente cuater Judoka, pero toch a logra impone riba e equipo di Corsow, Candido Tromp, Adolfo Croes, Ramon Sharpe y Sebastiaan Tromp. E judokanan di Corsow tabata: Junior: Glen Vinck, Jimmy Ha-

seth, Edgar Henriquez, Wim Box, Marshal Vinck, Ronny Lauffer y Tonny Dock.

Senior: Frank Gonet, Glen de Lannoy, Maximiliano Meuiens, Claudius Smith y Federico Levestone.

Nos a mira peleanan deportivo y esepialmente cu hopi tecniek di parti di e arubanonan. Den e categoria chikitu e hobencitonan di Aruba a demostra bon tecnica, no obstante nan tabata di estatura mas chikitu cu e adversarionan di Corsow.

E peleanan junior a termina cu score di 23-10 na favor di Corsow.

Tabatin tres victoria pa Corsow, un pa Aruba y tres empate. Un publico cu a yena e sala completo a disfruta di bon peleanan senior.

Di tur dos banda tabatin bunita tecnica. E muchanan di Corsow, segun tabata parce tabatin menos peso cu e rivalnan arubano, pero toch nan a duna gran lucha.

E prome pelea entre C. Tromp y Frank Gonet ta ser dicidi na favor di Tromp cu ta hanja 8 punto pa e pelea.

E segundo pelea entre Croes y de Lannoy ta duna un victoria pa decision pa e arubano, door di cual Aruba ta bai dilanti 13-0. Ramon Sharpe y Meulens ta duna



E hapones isashi Kato aki ta den demostracion contra un di e judokanan antillano.



Ronnie Lauffer ta ricibi e copa pa e titulo junior di Antillas.

e miho pelea di e programa y finalmente Sharpe ta gana cu dies punto.

E ventaha a bira 23-0 pa Aruba. E dos ultimo peleanan riba programa ta trece solamente un riba mat, ya cu Claudius Smith ta gana facilmente, como cu e no tabatin adversario.

Otro pelea di hopi interes y emocion, tabata esun entre e peso pesadonan Sebastian (Toco) Tromp, futbolista conocí aki na Corsow y Federico Levestone. E judokanan aki a tene otro abao formalmente. A sosode cu un biaha e curazolenjo ta emplea Waza-Ari net

riba rand di mat y e experto Kato, ta stop e pelea pa pone e dos rivalnan meimei di mat, den e mesun posicion.

Tromp ta logra kibra e Waza-Ari cu Levestone a pone riba dje, pero e judoka curazolenjo ta bolbe tene Tromp den e mesun posicion y ta mantene esaki te cu limite di tempu, pa cual e ta hanja dies punto y hasi e score final 23-20 pa Aruba.

Finalmente a bini e demostracion entre isashi Kato y seis judoka antillano. Uno tras di otro e judokanan antillano tabata bai suela cu overname worp. Esun cu a duna mas resistencia tabata Brazao y Ramon



E tres huesnan di e programa Kato y Braaf.

Sharpe. Loke nos a observa tabata, cu mas fuerte bo ta, taticanan mas peligroso e hapones ta utiliza contra bo.

Pa termina e campeonato, sr. Bisliip a pasa over pa entrega di premionan.

Primeramente el a yama e captain senior di Aruba sr, Ramon Sharpe cu a ricibi e bunita trofeo cu a ser pone disponibel pa David Karter mientras Ronnie Lauffer, captain di e equipo junior di Corsow a ricibi e trofeo obsequio di Gomes Enterprises.

Un ratu despues Sr. Bisliip ta hasi entrega di e copanan pa e campeonnan di Corsow, Sr. Claudius Smith y Ronny Lauffer, quendenan por a ricibi premionan di Sr. Lodewijks na nomber di Bureau voor Sportaangelegenheden.

Nos kier a felicita e equipo Arubano senior pa e victoria obtene den e campeonato antillano, y tambe e equipo junior di Corsow cu a logra e titulo maximo. Nos pabien tambe pa tur e participantenan.



Aki nos por mira con Levestone ta tene Toco Tromp te cu nan ta dicidi e pelea na favor di Levestone, pa limite di tempu.



Ramon Sharpe den accion, contra su adversario Maximiliano Meulens, cual pelea a bira un di esnan mas interesante.

di robes pa drechi: Lei, Isashi



Claudius Smith ta ricibi e copa pa e titulo senior di Corsow.

Curso pa scorer y umpirenan

WILLEMSTAD,- Awe nochi den sala di Isa Sales na Stoppelweg lo cuminsa un curso di scorer y umpire completamente gratis, interesadonan por inscribi cerca senjor Kilin Wilsoe Pater Ludovicus Jansenstraat 39 Tel. 11569 durante oranan di oficina, Eddy Martina Yuraweg 12 y tambe cerca Lou Trinidad.

WATCH FOR THE MAN WITH A THOUSAND FACES

? PEPE MILLER ?

HONG KONG -- UPI -- Un enorme organizacion militar, formada pa 30,000 homber ta tratando infructuosamente di riprimi e agitacion contra Mao Tse Tung, Hefe di Partido Comunista den e provincia meridional di Huang Tung, segun informacionnan cual a sali den e corantnan local di Hong Kong.

Cincu corant, recogiendo declaracionnan di viaheronan for di Canton capital di e provincia menciona a afirma cu e oposicion contra Mao ta aumentando eynan. E declaracionnan a manifesta cu Peking tabata manda trupanan riba terra, laira y laman pa Kuantung for di e provincianan ey banda den un esfuerzo pa imponenan control militar severo, pero debi na esaki e obregonan a declara anti-maoista den 5 ciudad.

Un viahero a afirma cu ela mira varios cadaver den e castrera entre Kaukong y Fat-shan, despues di un choke entre e tropa- y gruponan di campesino. Otro informacionnan a bisa cu e y e trahadornan ta indigna pa e brutalidad di e soldanan y tambe cu hopi hende a ser aresta.

Otro fuentenan a confirma cu e "Revolucion Cultural" di Mao a jega na su fin riba orden di Pekin, afin di cu e campesinonan por concentra riba nan plantamentu propio e tempu aki di anja.

Observadornan di Hong Kong no ta durf pronostica si e orden di Pekin ta cuminsamentu di e fin di e conmocionnan den China Roja, ni duna opinion si Mao ta cambiando di tactica espontaneamente of si e ta bow di druk di otro personanan.

WASHINGTON -- E representante Armistead Selden, awe a presenta un proyecto di resolucion pa apoyo di e actuacion cu ta bai desaroya presidente Lyndon Johnson den e proximo reunion di hefenan di estado Americano. E mocion ta recomendar un ayuda mas grandi pa America Latina.

Mescos e ta respalda e plan pa un mercado comun Latinoamericano.

E promer testigo dene audiencia, segun a ser informá lo ta secretario di estado, Dean Rusk.

MCNAMARA A DESCARTA CU COMUNISTA NAN LO VENCE

WASHINGTON -- UPI -- Secretario di defensa Robert S. McNamara a declara den congreso cu Vietnam del Norte ya no tin posibilidad mas pa gana e guerra, no obstante cu ainda dirigentan di Hanoi a kere cu nan por a obtene un victoria rapidona nan alcance na fin di 1964 of principio di 1965.

"Ta existi tur prueba cudesde e tempu ey, den cual a ser mira cu nan a scapa e triunfo, nan a concentra tur nan energia posible den un victoria rapi-

da, Nan a duna cuenta awor cu nan forzanan a ser agota y cu moral di nan soldanan a gasta. Nan ta puntra ta cuantu tempu mas nan lo mester continua asina dene situacion asina extrema", asina McNamara a afirma.

E secretario di defensa a presta declaracionnan recientemente den sesionnan secreto dje comision di asignacionnan di Camara di representantenan, pero awor el a duna esaki na publicidad den un version censurada di su declaracionnan.

Actor chikitu serca Johnson



Aki presidente Johnson y su casa, ta cuminda e hobencito Mexicano Frank "Pancho" Mansera di San Luis Obispo, California, na su yegada na Casa Blanca. E hobencito tabata hunga papel estelar den un pelicula documental riba "Operation Headstart", caminda nan ta mustra con nan a yuda e mucha na school. Sargent Shriver, director di e programa pa combati pobresa na Merca ta aplaudiendo. - UPI-Radiophoto.

Senador Dodd lo ser interroga



E senador Democra di Connecticut, Thomas Dodd algun tempu pasá a ser acusa den corant na Merca qu el a usa placa di campaña electoral pa su propio finnan. En relacion cu e denuncia aki, un comision di Senado a ordena pa investiga su andar y aki e ta yega huntu cu su casa pa presta testimonio. UPI-Radiophoto.

Centro mundial pa investiga nacimentu multiple na Mexico

MEXICO -- UPI -- Ayera a cuminsa cu formacion di un centro mundial pa investigacion di nacimientonan multiple cu cooperacion di majornan dje prome o-hochinan, productonan di nacimientu octuple, di cua nan tin confirmacion y cu a nace den e ciudad ey diavienes pasa.

Yunan di Teresa y Genaro Sepulveda tur ocho a muri den transcurso di 14 ora. E ultimo cu a muri a ser registra diasabra mainta.

Tabata trata di cuater jiu muher y cuater jiu homber. Cientificonan di enter mundu a ofrece amplia cooperacion na e mediconan mexicano pa nan trata na realiza un estudio riba nacimientu dje ocho mellizonan, cu

a presenta segun calculonan uno den 23 bilion parto.

Enrique Estra Sahagun, den quende su clinica e ocho muchanan a nace, a informa di a ricibi invitacionnan pa dicta conferencianan den hopi paisnan. Majornan dje ocho mellizonan aki a priminti di presta nan ayuda den e estudionan científico, sometiendo nan na un serie di examennan y aunke cu ainda e mama ta tumando pildoranan anticonceptiva, no tin ningun prueba científica di cu e pildoranan aki a contribui na e nacimientu multiple", tabata declaracion di Estrada.

E interes general pa establece e centro di investigacionnan na Mexico a ser stimula pa un serie di nacimientonan multiple registra den e pais aki cuater sogistra den e pais aki dje cuater sobrevivientenan di cinco melliza cu a nace dia dos di maart den cas di Pablo Ortiz caminda ainda nan ta den nan cuna.

Den archivonan medica nan ta registra sin confirmacion, un nacimientu di ocho mellizo na Tampico na anja 1921, muchu mas prome cu tabatin usamentu di pildoranan anticonceptiva, ni tampoco fertilizante, segun algun dokter a nota.

Denter dje mediconan di hospital "20 de Noviembre" nan ta paplando actualmente tocante un nacimientu multiple di 12 criatura cual a ser produci den estado di Zacateca ya ta haci varios anja, pero ningun di nan no tabatin informacion preciso na man pa por a presenta.

Na anja 1960 den e estado di Morelos (caminda e cinco mellizonan a nace di famia Ortiz) nan a registra un naci-

miento multiple, segun a ser informa.

Cuater jiu a nace prome di nan ora y a ser hiba na un poblacion bisinja y despues na Cuenavaca caminda nan a logra di sobrevivir, segun informacionnan. Esaki tabata un nacimientu di cinco mellizo di cualnan uno a nace morto.

Ayera mediconan di hospital a cuminsa ta carga duda respecta e posibilidad cu lo por ta e pildoranan anticonceptiva por a causa quizas e nacimientonan multiple.

Hefe di departamentu di Patologia, Kurt Ambrosius, a dirigi e autopsia y e estudio deteni di algun viscera, sangre y otro tejidonan organico dje ocho cadavernan cu a ser dera den un caha di 95 centimeter.

E patologo a bisa cu lo mester dune tres siman pa un luna, pa di e manera ey lo e por termina su estudio completo den e caso pendiente aki.

Mientrastanto e mama dje ocho mellizonan ta continua ainda bao di efecto di sedante, alternando e momentonan di excitacion cu periodonan di calma total, segun un informe medico.

Posiblemente e mama aki lo mester queda enter siman den hospital aunke cu e ta den condicionnan favorable di salud.

E ginecologo Estrada cu a atende e parimento, a bisa cu peso dje cuater jiu hombernan tabata 400 - 480 - 535 y 480 gram.

Peso dje jiu muhenan tabata 480 - 500 - 410 y 425 gram y nan tabatin un promedio di 29 centimeter di tamanjo.

Na momentu cu nan a nace tur e criaturanan aki tabata respira ainda den un forma deficiente y superficial. Asina e medico patologo Estrada a sigura nos.

**ABONA RIBA
ARUBAANSE
COURANT**



E segundo secretario di embahada Sovietico na Pekin, N.G. Natashin, mei mei aki ta drehta un auto cu tabata sperere na aeropuerto di Moscu ora el a regresa su pais. Huntu cune ta e diplomatico O.A. Yedonov, quende tambe a ser expulsa door di autoridadnan chines for di Pekin. --UPI Radiophoto --

Addressograph	52 1/8	Lonestar Cement	17 1/2
ACF Ind.	48 3/4	Mont Ward	24 1/8
Allied Chemical	39 1/4	Monsanto	44 3/4
Allis Chalmers	26 1/4	Nat. Acme	46 5/8
Aluminium Co.	79 7/8	Nat. Cash. Regist.	91 3/4
Amerade	94 3/4	Nat. Distillers	40 5/8
Am. Can	51 1/4	National Lead	61 5/8
Am. Foreign Power	19 5/8	New York Central	82 1/4
Am. Metal	44	No. Am. Aviation	46 3/8
Am. M. Fdy	18	Olin Mathieson	66 3/8
Am. Std.	20 1/4	Otis Elevator	43 7/8
Am. Smelting	61 3/8	Pac. Gas & Elec.	34 5/8
Am. Tel. and Tel.	60 1/2	Pan. Am. Airways	69 3/4
Am. Tobacco	34 3/8	Paramount Pictures	--
Anaconda Copper	79 7/8	Penn Railroad	62 3/4
Armour	36 7/8	Phillips	53 1/8
Atlantic Refinery	85 1/2	Public Service E.G.	34 1/2
Atlantic Castle	--	RCA	49 1/4
Balt Ohio	--	Republic Steel	46 1/4
Bell Int.	10 1/8	Reynolds Tobacco	39 3/8
Bendix Aviation	37 5/8	Royal Dutch	35 5/8
Bethlehem Steel	35 1/4	Servei	9
Blaw	30 3/8	Sinclair Oil	--
Boeing Airplane	80 1/8	Sears Roebuck	49 7/8
Canadian Pacific	61 5/8	Shell Oil	62 5/8
Caterpillar	41 1/2	Socony Mobil Oil	71 1/8
Case (J.I.)	20 7/8	South. Co.	28 3/8
Cerro de Pasco	37 1/4	South. Rail	49 1/2
Chesapeake & Ohio	68 1/8	Sperry Rand	34 1/8
Chrysler	38	Standard Oil of Cal.	58 1/4
Columbia Gas	27 1/8	Standard Oil of Ind.	52 3/4
Con. Ed.	33 7/8	Standard Oil of N.J.	62 1/8
Cons. Elec. Ind.	48 1/4	Standard Brands	34 3/8
Cong. Nan	20 3/8	Stone Webster	59 3/8
Continental Can	45	Studebaker	53 1/4
Continental Steel	30 7/8	Swift & Co.	54 1/8
Corn Products	50 1/4	Taxaco	76 1/4
Crown Zellerbach	47 3/4	Texas Gulf Sulphur	97 1/2
Curtiss Wright	-24 1/8	Texas Instruments	120
Det. Edis.	31 3/8	Textron Ing.	65 7/8
Douglas Aircraft	66 3/4	Timken Roller Bearing	39 3/4
Dupont Nemours	148 3/4	Twentieth Century Fox.	43 7/8
Eastman Airlines	102 5/8	Union Carbide & Carb.	53 1/4
Eastman Kodak	144 1/4	Union Pacific	41 7/8
Western Bancorp	28 5/8	United Aircraft	88 3/4
Firestone	46 1/8	United Airlines	77
Ford Motor	49 1/2	United Fruit	31 7/8
General Electric	90 3/8	United Gas Corp.	65
General Foods	69 3/4	United Steel	43 1/8
General Motors	73 7/8	United Gypsum	66 1/2
Gillette	48 3/4	U.S. Rubber	40 3/4
Glidden Co.	21	U.S. Smelting	52 7/8
Goodrich	62 3/4	Warner Bros.	22 3/8
Goodyear	42 1/2	Westingh. Air Brake	36 7/8
Grace	50 7/8	Westingh. Electric	55 1/2
Greyhound	21 7/8	Woolworth	21 7/8
Gulf Oil	61 1/4	Dow Jones Index	844.82
Hud Bay M.	10 7/8	Ark La Gas	37 7/8
Hupp	5 1/8	Brit. Am. Oil	30 1/2
IBM	441	Brit. Petr.	9 1/8
Insp. Corp.	31 5/8	Creole Petr.	34
Int. Harvester	38 1/4	Electron Spl.	29 5/8
Int. Nickel	83 3/4	Espey Mfg.	15 1/2
Int. Tel. and Tel.	88 7/8	Giant Yell	8 1/4
Johns Manville	53 1/4	Husky Oil	19 1/8
Jones and Laughlin	58 3/4	Nor. So. Ry	12
Kan. City So. Ind.	43 1/4	SBD. W. Air	39 1/2
Kennecott Copper	36 3/8	Seeman Br.	6 1/8
KLM	110 7/8	Syntex	89 3/8
Koppers	31 3/8	Tech Mat.	12
Kroger Co.	23 5/8	Fidelity Capital	
Lehman Corp.	32 1/4	Fidelity Fund	
Lockheed Aircr.	59 5/8	Fidelity Trend	
Loew's Inc.	41 3/4	Puritan Fund	

CORTE DI NEW ORLEANS TA APOYA CONDICIONNAN DI JIM GARRISON

NUEVA ORLEANS --UPI -- Un corte local a rechaza ayera un peticion dje abogado nan di Clay Shaw, acusa den e complot pa asesina defuntu president John F. Kennedy, solicitando cu tabata un solo huez quende a dicidi si su defendido mester ser procesa.

E abogado nan a pidi disolucion dje tribunal cu lo presidi e audiencia prome cu Shaw lo mester comparece awe, mostrando cu un corte di tres huez ta un cos sin precedente y tambe inconstitucional den un procedimiento manera esun di Clay Shaw aki.

Otro dos peticion dje defensa a ser rechaza mescos tambe, como quiera cu e abogado nan di Shaw tabata ke pa permiti nan emplea nan propio tape recorder durante e sesion y pa nan debilbe na Shaw e cosnan cunana confisca den su domicilio en concepto di pruebanan.

Huez di distrito Bernard J. Ba-

gert a liberaliza e restriccion nan na e periodistanan cu lo asisti na e sesion awe y na e subsiguientenan, pero nan a mantene e prohibicion na e testimonio, abogado nan y otro personanan relaciona cu e caso pa no trata di e caso cu prensa.

Den e peticion cu e fiscal Jim Garrison a formula pa obtene autorizacion judicial pa practica e llistramentu di cas di Shaw ta ser bisa cu esaki, huntu cu Lee Harvey Oswald (asesino dje mandatario), David Ferrie y otro personanan mas a reuni den cas di e ultimo aki, afin di conspira pa mata Kennedy.

Ferrie a muri dia 22 di luna pasa, poco dia despues cu e investigacion a ser conoci cual Garrison ta efectuando, pero e autopsia a revela cu e morto tabata debi na causanan natural.

Raymond Cummings e chauffeur di taxi na Dallas, quende a declara cu el a conduci Ferrie,

Oswald y un otro homber na cabaret di Jacy Ruby (asesino di Oswald) den e ciudad ey, a haci ayera un corto bishita cerca Garrison.

Na esaki su jegada na aeropuerto el a ser ricibi pa unayudante di Garrison.

Cumming a mantene un reserva hermetica pa cu e periodistanan ora el a tuma avion na Dallas pa bini Nueva Orleans, mientras el a declara di a ricibi tres aviso amenazante anonima pa telefon.

"Nan a bisa mi cu mi dianan ta bata conta y cu definitivamente lo mi no alcanza na por tuma avion pa bai Dallas back", asina Cummings a declara.

Tambe el a manifesta cu: "Lo mi declara tur loke mi ta na altura di dje durante mi interrogacion."

Estudiantenan Venezolano a tene manifestacion

CARACAS --UPI -- Mas o menos 400 estudiante, bolbiendo pa nan lesnan na Universidad Central di Venezuela a tene un desfile di mei kilometer for di e ciudadie universidad, pa protesta contra di e medidanan restrictivo di gobierno.

E promer dia cu iesnan acuminza atrobe despues di a ser suspende dos siman pasá, notabatin, ningun acto di violencia, ora e estudiantenan a expresa nan protesta contra gobierno, destruyendo propiedadnan fiscal y maltratando e empleadonan di e universidad, afin termina e actividadnan subversiva den universidad.

E manifestacionnan di awe a strobaba e trancanto den cajanen den cercania, pero no tabatin polis presente.

E desfile a ser organisá despues

di dos reunion separá, parti mainta, pa protesta contra e ultimo ley di presidente Raul Leoni, cual ta cancelá e tradicional autonomia di e universidad.

Lesnan a ser suspendi pa di promer biaha ora Gobierno a manda tropanan di ehército y polis na e ciudad universitaria, 14 di december pasá, poco despues di suspension parcial di garantianan ora cu terrorismo comunista a bolbe lanta. 24 di februari pasá, lesnan a bolbe ser suspende despues di 5 dia cu nan a caba di cuminsa atrobe. Ademas di e desfile di awe, e dirigentenan estudian til a purba di organisá un welga general, a fin di obtene apoyo pa nan actitud.

Pa e motibu aki nan a manda delegadonan na varios zona di ciudad,

PA COMBATI TERRORISMO NA ADEN



Cu mascara di gas rita nan cura, soldanan patrumero di ehército britanico ta camina cu bayanan di Aden e dianan aki caminda terrorismo y violencia a lanta cabes di un manera espantoso, muriendo cada dia mas y mas hende. E manifestacionnan violento ta ser inspira door di e Nacionalistanan Arabe cu ta agita poblacion di e pais chikitu aki. --UPI Radiophoto --

A fallece ayera cristlanamente

Sr. NEPTOLI ESAJUS HENRIQUEZ

na edad di 77 anja.
Na number di familia N.E. Henriquez Jr.
F.M. Wekker
nos ta invita tur amigu y conocirnan pa asisti na acto di entierro di e difunto na bida jama

NEPTOLI ESAJUS HENRIQUEZ

cual lo tuma lugar awe tardi pa cuat^o or y mei for di Casa Mortuoria na J.G. Emanstraat 33 pa santana protestant.



LAGO OIL & TRANSPORT COMPANY, LTD.

is offering the following items for sale to the highest bidder on an "as is - where is" basis:

Item No.	Quantity	Description
1	1	Electric spot welder (440 volts)
2 a & b	2	Anvils - large
3 a & b	2	Pallet jacks (capacity 4000 lbs. each)
4	1	Hydraulic fork lift (capacity 4000 lbs)
5	1	Carousel color-mixing machine (115 volts)
6 a & b	2	Grinders (440 volts)
7	1	Drill sharpener
8 a & b	2	Waste King garbage disposal units (440 volts)
9	1	Woodworking lathe
10	1	Oliver Tennoning machine
11	1	Gas furnace
12 a, b, c & d	4	Welding positioners
13	1	Panto-graph cutter
14	1	Paint heater (115 volts)
15	1	Paint shaker (115 volts)
16	1	Brandt coin-counting machine (Neth. Ant. currency)
17	1	Cleveland punch machine (24")
18	1	Funnel machine
19	1	Mortiser C-P-10
20	1	Exhaust fan
21	1	Portable grit blasting machine
22	1	Vertical stroke slotting machine
23 a & b	2	Audigages - Model EM55-5
24 a & b	2	Audigages - Model EM55-6
25	1	Automatic Submerged Arc welding machine
26	1	Cylindrical Grinder, wheel size 30" x 3" x 20"

These items may be inspected on Tuesday, March 28, 1967, from 3:00 to 5:00 p.m. at the Reclamation Yard.

Bids are being solicited on an individual item basis, and interested persons should submit their bids in writing not later than 4:00 p.m. on Monday, April 17, 1967, at this address:

P.O. Box 364
SEALED BID - EQUIPMENT
San Nicolas, Aruba.

A VISA

DEN ARUBAANSE COURANT

Fabrica experimental pa traha harinja di pisca

WASHINGTON --UPI-- Secretario interior, Stewart Udall, a anuncia cu Gobierno lo traha den region noroccidental dje pais e di prome cu gobierno lo traha di prome planta experimental cu ta ser construi aki pa fabricacion di harinja di pisca.

E planta aki cu ta costa un millon dollar, a ser solicita pa comunidnan di costa di Oceano Pacifico, caminda elo ser traha y caminda nan ta depende economicamente dje industria nacional di pisca.

E fabrica aki lo mester muestra e viabilidad dje fabricacion di harinja di pisca of proteina di pisca senjalando un estimulo pa e disenjo y construccion

di igual plantanan major di parti di empresanan priva cu finnan di ganashi.

E secretario a bisa cu nan ta spera di por termina e planta pa segundo trimestre di proximo anja.

Den su reciente mensahe presupuestal na congreso, President Lyndon B. Johnson a solicita un fondo di un millon dollar pa e planta y 700,000 dollar adicional pa investigacion den e asunto riba cuai el a bisa cu e produccion di harinja di pisca den gran cantidad lo por ta un contribucion valiosa den e lucha contra hamber den enter mundo.

Sala pa reunion presidencial



Esaki ta e salon principal di Casino San Rafael na Punta del Etse, caminda presidentenan Americano lo reuni di dia 12 te 14 di april proximo. Te awor aki e sala ta yen di mesanan di wega di placa pero nan lo saca tur afor pa e combersacionnan en cuestion. --UPI Radiophoto --

SUGERENCIA DRASTICO DI LINDSAY

NUEVA YORK--UPI--Alcalde dje ciudad aqui, John V. Lindsay, a propone un medio radical pa dicide e bataya anual cu e gobierno di estado pa obtene recursonan fiscal cu e poderoso fuerzan municipal.

Den un discurso cu el a pronuncia dilanti un asociacion di personal policial Lindsay senjala cu masha energia cu departamento di poliz di New York tin mas homber 28,000 - cu ehercito Austriaco y un fuerza di helicoptero.

El a agrega, cu por ta un bon idea, cu nos lo a hiza nos ban-

dera y estandartenan nabegando door di Hudson y ocupa Albania.

Lindsay a obtene e festivo apoyo di marina di guerra, pues e vice-almirante John S. McCain, comandant di frontera ma-

ritima oriental, a bisa den e mes reunion cu e puerto di Nueva York ta ricibi 25.000 barcu pa anja, y si e alcalde kier un fuerza operativa pa marcha te na norte, lo e tin masha placer di mobilita e bapornan.

WASHINGTON--UPI--Comision di asignacionnan di Camara di representantenan a aproba ayera un pedido di 784,000 dollar pa haci pa departamento di defensa pa diferente obranan di construccion den e base militar di Fort Sherman, den zona di canal di Panama.

E asignacion aqui cu ta aparta dje programa ordinario di construccion militar a proba anja pasa, lo permiti mehoracion dje instalacionnan destina na entrenamiento den guerra di guerrillernan cu tin den e zona cita, segun funcionarionan dje departamento di defensa.

Solda tirando gas lacrimogeno



Na Jaipur, India, manifestantenan a hasi masha bochincha den cayanan debido na dificultadnan politica entre e gobierno di eprovincia y gobierno central di India. Diferente persona a muri den e bochinchanan aki y aki un solda ta mik un bom lacrimogeno riba un grupo di manifestante cu ta huyendo pa e peliger. --UPI Radiophoto --

RIP KIRBY

pa cortesia di

JAN BODÉ GOM & CO (ARUBA N.V.)

Agente exclusivo

FRIESCHE VLAG

lechi evapora y lechi en polvo.

MAXWELL HOUSE KOFFIE





DICK TRACY

presenta pa cortesia di:

VICTORIA BOTTLING

PEPSI COLA-SEVENUP-GRAPETTE-KIST--

VICTORIA SODA WATER-BUFFALO ROCK--GINGER ALE



PEPATA



"AMOR DI UN DOKTER JOVEN"

"Wel, no exactamente, pero mayan mainta mi tin cu haci un operacion basta complicá, y nunca mi sa bebe e anochi promé.

"Masha inteligente di bo banda, Tommy ta bisa. "Juliet bay busca bo mama y bisé cu dokter Jeff ta akinan. Bo ta keda comé cu nos?" Jeff no tabata tin intencion di keda come, pero ora Lisa Jacks a cana drenta, y tambe a invitá pa keda comé, el a haya cu lo ta descortés si e mester nenga. Ademas e no tin nada pa haci awor toch. E cas ta masha nechí mueblá y masha luhoso, pero si Jeff compara e ambiente cu ta reina akiden, cu esun na Huize Hilli, toch e ta preferá esun ultimo. Nan ta sirbi un cuminda masha amplio, y despues di cuminda nan ta sirbi binja. Jeff ta cuminda sinti su mes na su smaak cerca famia Jacks, y el a laga nan convencé pa tuma maske ta un glas di binja, involuntariamente e ta pensa loke Rosa a jega di bisé: "Si bo no

kier worde hibá dianti un altar, anto mihor bo evita Juliet Jacks. Tambe el a ripara cu hopi biaha e tata ta hari satisfeco cu su jiu muher y e ta pensa cu kizas e homber tin gana di bisé: "Miré bon Juliet si bo kier hayé, lo mi cumpré pa bo." Un biaha durante e cuminda e tata a bisa: "No ta asina facil pa un dokter joven manera bo cuminda su carrera den un ciudad completamente extraño." "Tur comienzo ta difícil", Jeff ta bisa. "Pero e ciudad aki no ta extraño pa mi. Ta akinan mi a nace". Papa Jacks ta muestra sorpresa. "Mi no tabata sa esey. Pero toch e otro dokternan tin un preferencia riba bo, y e ciudad aki no ta mucho grandi tampoco. Kizas mi por papia di bo cu mi amigonan." Jeff ta gradicié. Juliet ta bisa: "Papa, bo sa cu Dr. John Chand, dokter y alaves director di e hospital, ta Jeff su omo? Despues di tempo Jeff lo tuma over su praktik". "No ta obligatorio", Jeff ta corrigié. "Y laga nos spera cu mi

omo por keda traha basta tempo ainda." "Claro. Nos tur ta sali masha bon cu Dr. John. Nos no conocé mes bon cu e otro personan cu tin hopi tempo ta biba akinan, pero nos a tende masha hopi di dje, y tambe nos sa cu no tin mihor cu né." Lisa ta bisa: "Pero den tur esey, Tommy bo no a tende cu Dr. Hodge ta bay?" "Si, ta berdad. E dokter industrial", e ta bisa Jeff. "E tin varios dia caba ta cana cu e idea di cambia di lugar. E tin un bon sueldo, y e no ta haci tanto trabao..., pero nos por papia mas despues riba esey, ora nos sa mas sigur ki intencion Hodge tin." Den su mes Jeff ta pensa: Ta di kiko nan lo kier papia cu mi? Tommy lo kier ofrecé e trabao di dokter industrial den su fabrica? E no tin ningun intencion di acepta semehante oferta, pero e no kier laga muestra tampoco. En cambio di esey e ta bisa: "Ami ta kere cu un dokter tin basta trabao den un fabrica grandi a-

sina." "Ay no", Tommy ta siguré. "Kizas esey ta un bonchens pa bo." Mesora Jeff ta corre bisa cu e tin masha trabao den e hospital, y cu cada día e ta haya mas trabao di Dr. John pa bishita su enfermonan na nan cas. "Pero bo no tin mester di tuma decision awor mes", Tommy ta bisa. E ta un trabao basta agradable y casi sigur lo bo sobra tempo pa trata bo otro patientnan. Y manera mi a bisabo caba, e sueldo ta excelente. "Tommy no ta sigui papia, pero den su mes Jeff ta pensa: "Kizas ta mihor pa mi no bisa di biaha, cu mi no ta acepté. Si e sueldo ta hopi halto mi por haci bon uso di dje." Pero tampoco e ta gusta accepta un trabao ofreci asina facil, djies pasobra su jiu muher ta gusté. "Tommy ta sigui puntré si e sa hunga golf, y Jeff ta contesté, cu e ta gusta e sport ey masha tanto, pero cu e ta duda di por hungé, pa falta di tempo. "Pero bo mester distrae bo mes tambe", Tommy ta bisa. "Y e wegá di golf ta un bon ejercicio pa bo curpa. Casi sigur bo no ta miembro di Country Club ainda?" Ora cu Jeff a bisé cu e no ta miembro, pero si el a pensa di bira, mesora Tommy ta corre bisa cu gustosamente e por presenté. Den su mes Jeff ta pensa, mira e tipo cu kier bin presenté den Country Club. Bándi 9' or Jeff ta dicidi di bay y e ta gradicié e tata masha tanto pa su hospitalidad y ta primintíe di bolbe cualquier dia, Juliet ta

hibé te na e porta di salida, y ta ofrecé pa hibé cas. Mesora Jeff ta corre bisa: "Un poco ejercicio ta bon pa mi, pesey mi ta prefera cana". Juliet ta keda miré duro den su cara y ta bisa: "E biaha aki bo promesa ta realidad? Bo ta bolbe di berdad?" "Claro", Jeff ta contesta. "Asin mi haya tempo mi ta bin, es decir, si bo kier mi bin". Esta atractivo e mucha muher aki ta, Jeff ta pensa. Na un tono bajo Juliet ta bisa: "Ami kier bo semper Jeff". Bisando esaki e ta coy Jeff brazo y ta sunché. Jeff lo no ta un homber, si su curazon no a cuminda bati mas duro. Hariendo Juliet ta bisa: "No span-ta. E sunchi ey mi a dunabo pasobra mi ta gustabo." Jeff tambe ta cuminda hari. "Mi no por yuda cu mi ta asina. Pero sin embargo mi ta gradicibo pa e sunchi, maske bo no a dunami e cu sentimiento". Ken a bisabo cu no? Pero k' dia bo ta bolbe cerca nos?", Juliet ta puntra. "Mi ta spera pronto". Jeff ta contesta, pensando si Juliet su mayornan ta escuchando scondi. "Si nos bay laman e week-end aki, bo ta bay cu nos? Mi a debebo bisa papa, cu bo ta gusta pisca y corre den boto. Nos lo keda encantá si bo bay." Jeff ta contesté, cu e no ta sigur ainda, cu e por bay, pero e lo lagué sa na tempo. Despues cu el a sali bay y ta canando den e sombra di e matanan grandi cu tin canto di caminda,

BOTICA

NACHTDIENSTEN: Oranjestad Botica Aruba Tel.: 1080-1081 San Nicolas Botica San Lucas Tel: 5119

TEATRO DE VEER

DE VEER: 8.30 p.m.
"Island In The Sun" all
RIALTO: 8.00 p.m.
"Frontier Rangers" 18 j.
PRINCIPAL: 8.00 p.m.
"Colt 45" all
AUORA: no MOVIES
SAVANETA: 8.00 p.m.
"Pontius Pilatus" all

PROGRAMA DI TELEARUBA.

5.30 Secret Storm
6.00 Cartoons
6.30 Dennis the Menace
6.45 Public Service
7.00 International News in Papiamentu
7.30 Batman
7.45 Sportsnews in Papiamentu
8.15 Wild Wild West
9.00 International & Local News in English
9.30 Man from UNCLE
10.30 International News in Dutch
10.35 77 Sunset Strip
11.00 Sign Off

BUENOS AIRES--Confederacion General di Trabao (CGT) a pronuncia contra ley di servicio civil di defensa, promulga pa e gobierno di president Juan Carlos Ongania.

Ley ta fiha medicanan pa adopta pa e caso di guerra of comocion interna incluyendo servicio di tur persona sin distincion di sexo, desde 14 anja di edad.

CGT a afirma cue regimen no bo ta constitui un inaceptable violacion di normanan juridica consagra pa acuerdonan internacional na esnan cu argentina ta adheri.

El a bisa tambe cu tin di acepta vigencia di un ley innecesaria y odiosa como loke a ser comenta, ta significa institucionaliza e fuerza den gobierno.

El a agrega cu nos pais a aparta dje comunidad di nacionnan dje moda di biba occidental, pa intenta e aventura di e hercico di poder a traves di instauracion di un sistema dictatorial prepotente.